

特 告

請諸君切不可放棄此撰述責任

注 意

九月廿九担任	吳景山	吳洽溥	何少海	楊赤若	蒲礎伯	譚伯機	楊赤若	何少海	仝人担任
十月初六担任	吳景山	吳洽溥	呂襄武	謝昆怡	譚伯機	蒲贊武	楊敏達	楊赤若	同人担任
	社 聞	圖 畫	社 說	時 評	微 言	雜 文	雜 俎	小 說	商 業 調 查

社 聞

總編輯何球謹訂

●十月十五日例會情形 九月十五日。爲本社例會期。是日到會者。有范鳴石。楊敏達。楊赤若。何少海。蔡公復。吳景山。各君。是日并無可議之事。先後叙談而散。

●九月廿二日特別會議案 本社因粵省獨立事。發出傳單于廿二日開臨時特別會議。是日到會者二十七人。由楊君敏達將提議宣佈。茲將取決議案錄下。(一)議現吾粵獨立。本社爲團體一部份。應與有責。應如何盡責及謀進行之處。請議決(衆議應即研究維持財政軍務辦法。條陳軍政府并舉員親謁。胡都督。以盡責任。)隨即擬定關於財政條陳七條。關於軍務條陳二條。即行繕寫。并舉定楊君敏達陳君草澤梁君英生范君鳴石爲代表前往。(會議詳情下期補錄)

●本社代表往呈條陳情形 廿二日特別會議經舉定楊陳梁范四君。往軍政府親呈條陳。

辛亥九月廿二星期日出版第九十一期

(一一)

四君翌日十二鐘。聯同前往。由招待員在咨議局議堂接待。請四君舉一人入內。隨由四君舉定楊君敏達入謁。該招待員遂將條陳先呈胡都督。胡都督以公事匆忙。派代表陳少白會晤。寒暄畢。楊君備述來意。陳代表畧言。貴社關懷大局。具見熱心。所陳各款。均屬可行。但現臨時財政。已籌有款項。目前軍務及地方治安。較爲要重。一俟軍務稍暇。卽請貴社同人到來籌商等語。未幾楊君辭出。遂偕陳梁范三君返社覆命云。

●送身故社員徐君焯南奠儀五誌 茲何貫俠。閱社書得知徐君身故。同人多致奠儀。遂亦致送奠金一元。以表同社感情云。

●本社同人剪髮之踴躍 自我粵反正後。莫不喜脫離奴隸圈外。去此二百餘年專制辮髮。還我文明。故無論學軍工商各界。均極踴躍。旬日之間。路上觸目皆是。我社同人表同情者。省內有楊敏達。范銘石。陳草澤。梁英生。盧偉民。譚祝平。蔡公復。潘仲達。曹祖仲。蔡福三。鄧殿香。鄧苑香。鄧鑑清。楊肇文。霍德其。何漸葵。徐季直。各君。佛山則有凌清臣。聶士楠。李君表。吳洽溥。鄧秀枝。盧君典。何淡孫。盧拔茹。楊麗生。陳洛余。陳鑄魂。譚伯衡。盧約池。各君。誠一時之盛也。

●社員對於粵東反正後之種種 中國自被滿清佔據。二百餘年。專制淫威。國民困苦已極。今一旦兵不血刃。而得反正。此真我粵莫大之幸福。國民莫大之欣喜。然本社同人。對於此事。尤有特別熱心者。茲錄之以誌其志。

楊君肇文。向負義俠。富有革命思想。前在順邑鄉居。久爲黨人所推重。日昨民軍起事。遂羣舉爲軍中參謀。楊君辭不獲命。經允担任。現仍在順邑內駐。策畫甚爲周詳云。

譚君伯衡鄧君秀枝。在佛山鎮內。一聞宣佈獨立。卽思脫離滿清範圍。遂卽自將辮髮剪去。并在佛內報効剪髮。不辭勞瘁云。

蔡君公復。本清介之士。然胸懷抑鬱。每爲世事不平。日昨一聞粵東反正。卽斗酒大醉。并將辮髮剪去。及聞新政府有經濟困乏消息。乃特自解囊捐助。以爲之倡。遂逢人勸募。暨盡國民一份云。

俞君愷籌。素熱心社會公益事。對於粵東反正。尤絕對贊成。現爲軍政府聘爲籌款部員云。

聶君士楠。向在朱有蘭烟莊。爲佛鎮商界中有數人物。舉動謙樸。惟熱心世事。對於粵東反正。久已贊成。現目的已達。即在號內製出一種捲烟。名爲新漢巴東烟。藉以喚起輿漢之人心云。

楊君敏達。自被舉專任員後。舉川會所。雖處恐慌。不敢放棄。經誌前書。是次粵東反正。每次諮議局總商會各處會議。楊君必在其內。聞其意蓋欲暨得機會。藉以爲本社進行地步。故本月廿二之特別會。是亦楊君之主意云。

范鳴石徐季直何漸葵三君。對於粵東反正。故所素願。已自將髮辮剪去。惟思及剪辮者多易西裝。均用呢絨。自後利權外溢。更不可聞。三君遂決擬組織一土貨會。爲之補救云。

## 函 件

### 請同志各竭綿力并代新政府募捐書

竊聞佛氏輪迴。最重報恩。基督捨身。尙言懃德。而况於春秋大經。首煩內外之防。烈士沉埋。至今亦難保更無有懷懷他方之茹痛也。是則體物體懷。允宜樹德。而况於一簣一粟。永我子孫。亦得以寧容就辱者。非始因乎。同志諸君。百爾君子。諒亦恕吾先步矣。弟公復頓。

辛亥九月廿二星期日出版第九十一期

(四)

計開捐款者

蔡公復三員

蔡繆氏五毫

蔡荷蘭三毫

代募者

蔡奉生式毫

## 專 件

### 本社公呈軍政府胡都督書擇錄

畧謂廣東獨立。萬衆歡欣。復蒙

大都督担任國民軍政。維持公安。粵商咸深感激。惟粵東藩庫。經前督張鳴岐。虧空已盡。幣項無存。闔粵商民。無不洞悉。現國民軍雲集省垣。需款浩繁。不能不預籌財政充足。以固國民軍之雄心。而謀我粵東之幸福。因思此籌款一道。實亦國民責無旁貸。更讀

大都督廣納條陳示諭。尤足見一視同仁之至意。敝社雖識見謏陋。亦屬國民一份子。豈能置諸度外。遂於昨日招集全體社員。確商條陳。舉員親謁。并該員可出任事。担当義務。倘有相當職事。準可委任。特將所擬財政軍政各條。統陳于後。以備采擇。

計 開

#### 財政七條

一 凡我粵東以前所發出官銀票。及大清交通銀行紙幣。雖經宣佈通用。然亦仍有多存觀望。尤須明白宣示。他日由新政府十成收回。隨即將現存紙幣。盡行發出。以先資周轉。一 現軍用票。尙未到粵。宜先印行本省臨時軍用票。由軍政府蓋印。總商會簽字。通知七十二行通用。俟軍用票到時。然後轉換注銷。以先濟要需。

一 粵垣各鎮。均有提倡由各商店捐租一月。招募團勇。以資保衛。當日莫不贊成。嗣因軍械難領。多未舉辦。今軍政府成立。民政部長。已出示對於治安負完全責任。則團勇自可裁撤。而各商店擬出之租項。自可仍勸令照捐。擬助軍費。

一 粵東人民。賦性慷慨。徵于善舉捐助。已可概見。矧軍政府成立。於財產生命互相維繫。當亦尤為踴躍。宜速集總商會七十二行各團體担任徵集國民捐。以裕帑庫。

一 所有充公官地。宜一概折價開列宣佈。招人承領。

一 查官銀局。放出各銀號。約有十餘萬兩。例宜責成該局全數收還。撥作軍用。此項或有未到期。然為軍事急用。各銀號亦當免為其難。

一 鐵路公司。存款尚多。宜派員查詢。或可暫借軍事之用。各股東為大局計。料無不樂從。以上籌款各條。雖似過于責望。然當大局初定。百事待興。不能不稍為變通。以維大局。

### 軍政二條

一 近聞各鄉市鎮。多有自稱國民軍搜繳軍械。稍有盤詰。即遭焚毀。難保無歹人。冒稱名號。以便私圖。不特損國民軍之名譽。尤恐灰崇仰國民軍之人心。宜速給發憑照。宣示鄉鎮。俾國民有所分別。不致誤會。

一 現國民軍雲集省垣。宜從速編列成軍。分紮要地。無使閒遊擠擁。以安人心。

按以上條陳呈後。多見施行。誠足見胡都督能採納羣言。而亦不負本社此特別會也。

### 社 說

## 聞佛鎮土貨場成立之感言

初續

## 贊 武

然其進窺所併力以圖振興計。所宜注意者。猶有二事。一者宜組織團體。相與協力以用土貨。大凡一國之習尚。每隨風氣爲轉移。如風東向。而欲強草之西偃。不得也。如汽上蒸。而能欲壓機之下行不得也。昔者趙文王喜劍。而趙人死於劍。齊桓公好紫。而齊人靡於紫。上有好者。下必有甚。而況土貨爲中國所固有。具有俯拾卽是之觀。果有上流社會。首端習尚。以開氣之先。則勢之所趨。卽理之所順。焉有不迎刃而解。爭從所好以保國粹者乎。抑又聞之。同聲者相應。同氣者相求。故蟲鳴而雌化。免死而狐悲。爲從其類也。物情且然。至於人爲萬物之靈。何獨不然。傳曰。非我族類。其心必異。益言人情莫不自私其所固有。若物爲他有。必不貴之。其天性使然矣。譬之父子之親爲其血胤一氣。此以可貴也。偷謂己所孕育之血胤。爲非佳兒。而別求雜胤以相媾續。則異性瀆宗。鮮有不罵其亂而笑其愚者。則振興土貨。可何異于是乎。二者宜多設演說員。分派內地。以隨時鼓舞。將粵東民窮財盡之理由。中國貧的垂危之現象。皆由於土貨滯塞與洋貨充斥之大原因。并謂人人有救國之任。個個有保種之責。而所以救之之由。保之之術。而可以反衰爲盛。轉弱爲強。爲籌一不二法門之策。胥於振興土貨造端之。一一宣講明白。循循善誘。頑石點頭。勿使言之諄諄。聽之藐藐。議論不必激烈。詞旨專尙純正。并將宣講之理由。發刊傳單。使未聞演說者。亦如沾時雨之化。若輩焉有不聞風興起。彼此挽救。互相勸勉。吾知利權之外溢。指日可挽矣。昔拿破崙兵敗回都。聚國人而演說。故人知復仇。華盛頓苦英虐政。以演說鼓動衆人。故國成獨立。况值此風氣日開。民智日闢。土貨之物。振興之說。衆口一詞。欲挽此風。又何難哉。

以上二端。不過舉蒙耳目所及。將振興之切要言之。細目宏綱。尙多未備。我佛鎮同

人誠能實心實力鼓厲而行之。利權可回。漏卮可塞。而生計困絀之苦。商業敗落之患。亦無不可免矣。將來民生日裕。國勢漸強。比之興工藝。設學堂。事半功倍。易於反掌之間。亦在此矣。

(仍未完)

時 評

粵東獨立關於商務之研究

少 海

處於異族專制政府之下。商于凡百抽捐之國。目為市儈。置不保護。一旦倡為獨立。建設民國。還我自由。脫離專制。概免抽捐。洗除苛政。參政特權。國民共有。凡我商民。有不馨香項祝者耶。當生意將為旺月之時。賬項散滿市外之際。忽變端突起。更易國號。怯弱之流。羣驚奔走。奸詐之輩。借端收盤。市面蕭條。賬項無着。商人處此。有不驚心動魄者耶。噫。一則以喜。一則以懼。其我商人今日之難問題乎。雖然。吾聞古人有云。丈夫當先國而後家。然則吾粵之獨立。國事也。又豈可以區區之生計。而阻國事之熱念乎。

詩 詞

志趣吟(四章)

學養小子礎伯

我有真志趣。攤書對古人。欲師陳子宰。勢與願相分。

(論古)

志趣無言狀。知心有鮑公。分金多慷慨。愧未識英雄。

(交友)

無影無形物。心聲善表彰。欲尋吾樂趣。仁義愛揄揚。

(樂善)

志趣人無定。心趨視若何。聖賢交道我。豪傑不同科。

(處世)

### 顧影生情(二章)

礎伯

澤畔行吟幾賦閒。登天無路怨孤單。風塵物色知音少。更有狂歌我責難。身世如斯百感生。偏逢亂事起縱橫。只今何處求知己。守我平生在一誠。

### 題荆棘滿途大智若愚圖

重重荆棘肯心灰。冒險還求慎度裁。空乏動心須忍性。古人大智若愚猷。

### 小說

商騙 小說 李少溪(三續)

少海著

李子是時遂留于艇內。至二鼓後。客已到齊。止李未到。周遂着艇家往催。移時復云。李老爺云。有事失陪。周遂喚開席。主人共客得八人。而皆雄飲者。惟李子酒量畧遜。席未終。而酒量已滿。遂推辭而別。周遂命人持燈籠挽之而歸。李子至店後和衣而睡。至天明始醒。即欲將憑單先存放櫃裏。乃一探荷囊。竟不翼而飛。大驚。急披衣往報周處。冀周往該銀號掛號。周聽此即命轎二輛。與李子同到該銀號。云昨日交付三千元第幾號之憑單。現已失去。祈代查有無取去。拒面在內出口。適取去無一字鐘之久。周大驚問取者其容貌若何。爲何如人。該櫃面遂一一細道。周一面聽一面嘆息。惟李子則如失魂之鳥。木偶之鷄矣。周無奈轉身向李子曰。事已至此。請速返家與令翁商酌。追尋之法爲是。弟是日急于落港不能代勞也。遂循例安慰李子數語。即出銀店別去。

(仍未完)